

漢書注校補

七



廣雅注疏補
七

漢書注補

(七)

周壽昌撰

漢書注校補卷三十五

文三王傳第十七

而使韓安國張羽等爲將軍。目距吳楚。

壽昌案。梁孝王時。人材頗多。汲黯傳中。傅伯注。應劭曰。梁人爲孝王將。素抗直。本書儒林傳。丁寬爲梁孝王將軍。距吳楚。號丁將軍。則皆在此役者也。

於是天子意梁。

意卽直不疑傳意不疑之意。非意之也。俱作疑度解。

北獵梁山。

壽昌案。梁山史記作良山。索隱引述征記云。今壽張縣南有良山。正義引括地志。梁山在鄆州壽張縣南。屬東郡。又案。高帝紀十一年立子恢爲梁王。罷東郡。頗益梁故郡之良山。遂改名梁山也。

六月中病熱六日薨。

張晏注。牛者丑之畜。衝在六月。北方數六。故六月六日王薨也。劉敞曰。此謂得熱疾六日而後薨耳。豈謂六月六日哉。太迂。壽昌謂句明曰。六月中。則是月半。何得云初六日也。不獨迂。亦讀之未審。爲帝壹餐。

壹上史記有加字不可去。

十七年薨。

十七表作七。

梁孝王子五人爲王。

殿本提行另寫。

立十年薨。

十表作七。

濟川王明。

濟川國卽陳畱郡。水經注引應劭曰。今陳畱濟陽縣。

取財物目爲好。

以爲好卽以爲樂之變文也。

國除爲大河郡。

壽昌案。濟東國除也。大河郡卽東平國。宣帝甘露二年置。

立一年薨。

一表作七。

事李太后。

李、他本作於。

睢陽人犴反。

犴反、史記作類犴反、或類姓而犴反其名邪。

而與睢陽太守客俱出同車。

劉放曰、睢陽屬梁國、無太守、當是淮陽、壽昌案、史記梁王傳本作淮陽太守、非睢陽、此書因睢與淮字近而誤、劉氏偶未檢史記一校耳。

欲目傷梁長吏。

吏、他本作史。

奪王太后湯沐成陽邑。

案、成陽地志屬濟陰郡、此食邑在梁國外者也。

梁餘尚有八城。

八、史記作十。

子頃王無傷嗣。

頃、表作貞。

私聽中葦之言。

葦亦作霽。集韻：葦，夜也。玉篇：六部霽，夜也。詩曰：中霽之言，中夜之言也。釋文引韓詩：中葦，中夜。淫僻之言也。是韓詩亦作夜。與注引晉灼魯詩說同。毛詩傳云：中葦，內葦也。鄭氏箋云：內葦之言，謂宮中所葦成，則葦讀如構。說文：葦，交積材也。是顏注所本。

目三者揆之。

年齒不倫，一也。富厚足聘美麗，且各有恥辱之心，二也。案事者僅驗問惡言，未及淫亂事，乃無故自發，三也。故曰三者。

怨相掾及睢陽丞。

壽昌案：百官表，景帝中五年，王國諸官長丞皆損其員。此成帝元延中，睢陽安得有丞邪？丞字疑誤。王陽病抵譚，置辭驕嫚，不首主令，與背畔無異。

師古從辭字斷句既誤，而注云主令者，於法令之條與背畔無異也。解亦不晰。壽昌案：言梁王假病拒誣，致辭又復驕嫚，不首實於主令，卽與背畔無異也。主令卽移書中所言丞相長史大鴻臚丞卽問之二人主法令者也。

虎兕出於匣，龜玉毀於匱中。

匣，論語作柙。釋文：匣，戶甲反。今本作柙。匱，他本作匱。論語本作櫝。

賈誼傳第十八

河南守吳公。

吳公，楚上蔡人。地理志屬汝南郡。以下有云故與李斯同邑也。循吏傳有文翁，而無吳公。

聞其秀材。

書中凡秀之字曰茂，避光武諱也。獨此與儒林傳秀才異等，尚存秀材二字。武帝紀已作茂材，異等矣。絳灌東陽侯馮敬之屬盡害之。

害，忌也。史記：燕昭王使樂毅約趙，楚伐齊，諸侯害齊。潘王驕暴，皆許之。注：害，猶言患之也。又屈原列傳：上官大夫與之同列，爭寵而先害其能。皆與此害字同。文選：李善注引風俗通曰：賈誼與鄧通俱侍中同位，數廷譏之。因是遷爲長沙太傅。據此，則害之者，不獨絳灌諸人也。攷東陽侯張相如爲大將軍，討匈奴，在文帝十四年。馮敬爲御史大夫，在文帝六年。此賈誼當文帝三四年閒事。敬始爲典客也。顏注：馮敬事誤。

誼旣目適去。

太中大夫秩比千石。諸侯王太傅秩二千石，以秩而較，初非左官。其曰適去者，以其去天子之側而官

王國也。

因目自諫。

諭與喻同。

謂隨夷淵兮謂跼蹐廉。

隨夷史記作伯夷。跼蹐史記作盜跖。

于嗟默默生之亡故兮。

史記作于嗟默默兮生之亡故。以下兮字俱在上四字下。與此異。薛史記作訊。

襲九淵之神龍兮。

案襲猶書襲于休祥之襲。猶合也。言比合於九淵之神龍也。注引鄧展襲重也似隔。又師古注九淵九旋之川。言至深也。案淮南子有九璇之淵。許慎注云至深也。師古語本此。易淵作川。避唐諱也。

紛紛其離此郵兮。

史記郵作尤。

服似鴟不祥鳥也。至迺爲賦目自廣。

壽昌案孔臧鴟賦有云季夏庚子思遯靜居爰有飛鴟集我屋隅臧賦全倣賈此作又云昔在賈生有識之士忌茲鵬鳥卒用喪已壽昌案孔臧與賈傳同時此作當在賈傳既亡之後又世傳服利人死聞之者不久卽逝故謂爲不祥攷賈傳聞服於長沙爲文帝六年丁卯至十一年以梁王傳卒官去長沙已五年矣孔臧以孝文九年嗣封蓼侯四十五年至孝武元朔三年始免侯其卒雖無可攷約年已不

少亦必非死於聞鵲之歲也。

四月孟夏庚子日斜。

有謂漢以十月爲歲首。則所云孟夏者。當是夏正之正月。而以長厯推之。文帝六年丁卯歲建己之月二十四日。適直庚子。賈傳賦語不云正月。而云四月。何也。壽昌攷春秋昭公十七年夏六月甲戌朔日有食之。此周之六月。實夏之四月也。左傳晉太史有曰。當夏四月。是謂孟夏。先儒引爲晉用夏正之證。賈傳當時以改正朔爲亟。奏而未行。又深於左氏學。其四月孟夏四字。卽本於此也。

異物來嶂。

說文萃。从山卒聲。卒卽猝。嶂當音猝。言其來也猝然。蓋服不過一鳥。必非類集。胡云萃聚也。毛詩墓門有梅。有鵲萃止。傳萃集也。壽昌謂墓門爲鵲集之所。故可云萃。屋隅則鵲非常止。故來必云嶂也。

問于子服。

子。猶汝也。詩相彼鳥矣。又爾牛來思。爾羊來思。加一字以成文。子服之稱亦猶是。不必爲美稱也。觀史記作請問于服。今可知。顏注謂子服爲美稱。太迂。

請對目意。

意。史記作臆。

水激則旱。

旱與悍同。呂氏春秋在宥篇。夫激矢則遠。激水則旱。注旱同悍。顏注云。去盡不能浸潤。則誤以爲乾旱也。

塊圯無垠。

圯。史記作軋。王逸注楚詞云。塊軋。霧氣昧也。壽昌竊意與大鈞播物不合。卽本注亦不甚顯。蓋塊同央。卽荒廣之意。指六合而言。圯同軋。卽深厚之意。指九重而言。言其廣厚無界限也。案服賦詞意。與鵷冠子世兵篇近似。柳子厚遂疑鵷冠子竊此賦語爲僞作。壽昌竊謂鵷冠文多奇奧。且爲韓文公所校。疑柳說不然。而鵷冠與此賦語實多同者。略摘錄數語。以待後來之詳訂。如水激則旱。矢激則遠。至人遺物。獨與道俱。禍乎福之所倚。福乎禍之所伏。吳大兵強。夫差以困。越棲會稽。句踐霸世。達人大觀。乃見其可。天不可與謀。地不可與慮。烈士徇名。貪夫徇財。皆是其他單句。如與道翱翔。安可控搏。芴芒無貌。塊軋無垠。泛泛乎若不繫之舟。此類尙有。未能悉舉。

使顧成之廟。稱爲太宗。上配太祖。

壽昌案。顧成。文帝四年自作廟名。誼對文帝爲此言。若在後世。必犯忌諱。以大不敬誅矣。上云。生爲明帝。沒爲明神。語類此。

天子春秋鼎盛。

鼎盛。壽昌案。鼎訓方。亦訓當。匡衡傳服虔注。鼎。當也。賈捐之傳。顯鼎貴。如氏注。鼎言方。且欲貴也。

行義未過。

未過言未有失也。

非有仄室之執。

文帝自稱高皇帝側室之子。此正指文帝言。仄卽側。

匕首已陷其匈矣。

前之審食其。後之袁盎。皆是也。

列爲徹侯而居。

此在文帝時。故徹字尙未避。然他處已多追改。如通侯。關通之類。

則莫若令如長沙王。

長沙最忠。高祖曾定著之令。其時係吳芮之元孫差襲王。非景帝之子發也。此卽誼爲王太傅所輔者。

貫高利幾之謀不生。

貫高卽勸趙王張敖反者。利幾本秦將降漢。封於潁川。後以疑懼而反。

雖有長爵。不輕得復。

注。張晏曰。長爵。高爵也。壽昌案。長爵。世及之爵也。雖有長世之爵。猶赴征役。不得復除也。昭帝紀如氏。

注曰。雖丞相子亦在戍邊之調是也。

毋動爲大耳。

漢文時尙黃老。以清靜爲治。故云毋動爲大。不必截斷讀。

家貧子壯則出贅。

此故秦時贅壻最賤。漢初尙如此。七科謫中有贅壻一條。

其慈子耆利。不同禽獸者。亡幾耳。

壽昌案。言愛子而不知愛親。好利而不知好義。如牛之舐犢。獺之祭魚。皆禽獸之爲也。人若此。其不同者幾何哉。顏注以慈子耆利爲小異禽獸。語氣不類。

俗吏之所務。在於刀筆筐篋。

刀筆以治文書。筐篋以貯財幣。言俗吏所務。在科條徵斂也。顏注全誤。

殷爲天子二十餘世。

壽昌案。自殷爲天子至此時務也。千餘言。皆大戴禮記保傅篇語。誼引之。惟字句小有異耳。二十餘世。保傅篇作三十餘世。注云三十一世。攷世表殷共傳二十八王。宜從此爲正。

故胡亥今日卽位。而明日射人。

壽昌案。秦紀未載此事。此可以補佚聞。

君之寵臣。雖或有過。刑戮之辜。不加其身者。尊君之故也。

方扶南云。此固古禮。然則申屠之欲斬鄧通。未必是。而孔光之禮接董賢。未必非邪。壽昌案。寵臣非倖臣。嬖臣之比。說文。寵。尊居也。一曰。愛也。恩也。易。承天寵也。書。居寵思危。左傳。陳桓公方有寵於王。皆是。是蓋爲君所貴愛之臣也。不得援寵幸以爲說。

而今與衆庶同黥劓髡笞。僞棄市之法。

僞字。廣韻云。罵本字。玉篇。罵。詈也。

廉恥不行大臣。

言廉恥不行於大臣也。一本作行字。斷句者非。

輸之司寇。編之徒官。

顏注。司寇爲主刑罰之官。宋先生過庭錄云。漢哀帝時始置司寇。此司寇當作司空。以百官表注司空。主罪人也。并引賈子新書階級篇。輸之司空。兩語爲證。壽昌案。司寇始見尙書。洪範三八政六曰。司寇。箕子陳禹九疇。而稱司寇。則夏制也。禮記曲禮。天子之五官曰。司寇。鄭注。此殷時制也。而尤莫詳於周尙書。周官司寇掌邦禁。春秋左傳。康叔爲司寇。周禮秋官大司寇。小司寇。皆是也。至秦廢周制。不稱司寇。名大李。見呂氏春秋李一作理一名廷尉。漢承秦制。有廷尉。無司寇。此司寇是罪名。非官名。顏注爲主刑罰之官。言是官所也。刑法志。隸臣妾滿二歲爲司寇。王子侯表。楊邱共侯安耐爲司寇。蓋復作徒刑也。在孝景四年。與誼時相近。哀帝元壽二年。雖造司寇職。而帝旋崩。未竟其事故。終漢世無此官。百官表亦未

載也。此云輸之司寇。明云繫之刑所。而編列於徒官。下云司寇小吏。新書下亦云。司寇牢正徒長小吏。明非同廷尉尊官。此司寇字似非誤也。

奧詬無節。

顏注。奧音胡結反。錢泰吉曰。奧說文從𠂔圭聲。此本作奧。隸變作𠂔。尙無大誤。何氏煌改作𠂔。則爲渠龜切。非胡結反矣。二字並在玉篇類篇𠂔部。又說文譌詬恥也。或從奧。則段奧作譌。壽昌案。類篇奧𠂔頭。袞熊。奧或作𠂔。玉篇奧別爲字。云𠂔奧也。

唯陛下財幸。

財同裁。易后以財。成天地之道。財字本此。

常哭泣。後歲餘亦死。

史記曰。者列傳云。賈誼爲梁懷王傅。王墮馬薨。誼不食恨而死。

賈生之死年三十三矣。

攷梁王揖以文帝二年立。十一年薨。齊文王以文帝二年嗣。十四年薨。計生之死當文帝十一年。及欲改定制度。目漢爲土德。色上黃。數用五。

壽昌案。武帝紀。太初五年夏五月。正厯以正月爲歲首。色上黃。數用五。似皆追行賈生之言。卽文帝十五年黃龍見。成紀改爲土德。未嘗非由生所言發之。

雖不至公卿未爲不遇也

北堂書鈔引孫綽子曰。或問賈誼不遇漢文。將退耕於野乎。薄游於朝乎。

